



KOMUNIKADO PA PRENSA

Dia 16 di febrüari for di 10or di mainta por kuminsa konstrui stelage òf stént riba ruta

Willemstad – Minister Zita Jesus Leito, Servisio pa Planifikashon Urbano (ROP) huntu ku tim di Prekario, ta anunsiá tur kliente di prekario ku dia 16 di febrüari for di 10or di mainta por kuminsá konstruí stelage òf stént riba ruta di karnaval. Tambe tim prekario ta splika e reglanan i rekisitonan ku mester wòrdu apliká na momentu di konstruí un stelage den kuadro di seguridat di tur persona.

Pa tur kliente di Prekario 2019, ta pidi pa uza material sólido, pues no ta permití pa uza material putri òf den mal estado ku skèr aden. No ta permití pa traha stelage di dos òf mas piso. Altura máksimo pa un stelage ta di 4 meter, i ta permití pa pone un flur di un altura máksimo di 1 meter. Ta sobra un altura di 3 meter pa por konstruí, kaminda e hende por para aden i disfrutá di un manera sigur di paradanan di karnaval. Dak di un stelage mester ta traha di un manera un poko skuin pa e awa di áwaseru bai patras di e stelage. Por último ta rekordá tur kliente ora di konstruí e stelage ku e fundeshi mester ta bon sigurá, tambe pa e dak por tin bon sosten!

Tim Prekario ta traha inkansablemente pa ordená i manehá e parti aki di prekario karnaval. Di e forma aki, nos komunilat por disfrutá di Karnaval na un manera bon strukturá. ROP ta boga tur kliente di Prekario pa mantené nan mes na tur regla i eksigensia eksistente.

Pa mas informashon ofisina di Tim Prekario Karnaval 2019 ta alkansabel via e number nan 462-2014, 462-4015 i tambe 433-3261. Por manda e-mail na info@prekariocuracao.com, tambe por bishita e página di facebook Prekario Kòrsou.